

表貢正解



831895

山 統  
解 貴



禹貢正解序

吾郡朱生白先生。脩行著書。精研地理學。夙  
耳其名。而無因會合。庚戌春。介楊古醞先生。  
以所著禹貢正解見詒。并屬爲序。邦黻末學。  
膚受輿地。尤疏。久無以報命。今春。迺荷先施。  
見訪滬南寓所。瞻溫睟之容。聆懇款之論。一  
見如平生歡。臨別。略述著書大旨。重申前屬。  
誼。不可以無言。乃爲之序曰。禹貢之學。自宋  
毛晃程大昌傅寅以來。代有專書。至

禹貢正解序

一

國朝胡氏錐指出而大備。九州分域。山川原  
委。一一討論。然考據精覈。而按之今地。不盡  
合。蔣氏尙書地理。今釋總括古今。多訂正諸  
儒之說。然病太略。矧今五洲交通。列強環伺。  
各挾虎視鯨吞之勢。苟不深明今地。安知形  
勢險隘所在。一遇交涉。移置界碑。僞造圖說。  
皆莫能辨。其貽害甚大。今讀先生是編。昭若  
發矇矣。其書依經作解。以今地列圈外爲證。  
體例精密。圖表詳明。其述水道。分兩岸言。脈

此本校正  
重印無訛

卷緒中辰錄版  
知止齋家塾藏

定價大洋伍角



絡融貫。其於古今。歎訟諸解。博考羣書。折衷  
一。是。又不偏主一家言。若三江九江九河等  
類。詳爲別白。三江不用鄭說。而以婁江松江  
東江當之。九江不用潯陽地記。而以湘江九  
水當之。九河則指徒駭爲經流。而簡繁仍從  
爾雅分爲二。斷斷之論。舉無取焉。他若凡例  
中臚舉諸文。各就地勢疏證。言人所未言。稟  
經七易始定。慎之至也。而其精確不磨。有裨  
時用者。先生嘗自述之矣。謂梁雍二州。皆有  
禹貢正解

序

二

黑水三危。梁州西南。至商而沒入蠻夷。幾莫  
辨其爲黑水。爲三危。不知卽在今前藏東。及  
雲南西境。雍之黑水。亦歷久無徵。不知其逕  
於梁者。實發於雍。卽今前藏東北喀拉烏蘇  
人疑禹域無如是之遠。由其地未爲郡縣。久  
棄戎狄間耳。若夫雍之三危。則在今燉煌地  
雖越青海西北。而爲甘肅關外屬縣。故人不  
疑其非禹域也。又謂西流沙。爲今甘肅西青  
海大戈壁。朔流沙。爲今瀚海。在內蒙古北。接

外蒙古界。大抵禹貢輿圖。久無定準。先生苦心孤詣。一一有以探其實。而於邊疆諸界。綫尤考之詳。而證之確。既知古九州之廣。實有亞洲五分之一。而其愴懷時局。惴惴焉。唯恐外人越界侵佔之意。舉可於言外得之。毛詩傳稱九能之士。可爲大夫。先生治儒先書。通疇人術。又於禹域能察察言之。若是非所謂山川能說乎。乃不得大用於時。游浙中。浮沈下位。歷二十載。以母老乞歸。其遇可謂窮已。

禹貢正解

序

三

然有此精確不磨之一編。傳世行遠。非徒使讀禹貢者。於胡蔣諸書外。備悉今地之詳。卽彼奉使勘界諸臣。亦得所依據。知滿蒙青藏間。皆大禹疆理所及。卽爲吾中國固有之地。非甌脫比。外人不得而生心。則折衝禦侮。其所全者。顧不重且大哉。是乃先生著書之微旨也。爰本此意。以爲序。并以質之古醞先生。宣統三年辛亥夏四月上海李邦彥序。



禹貢正解凡例

一禹貢一書輿地其最要也是編依經文爲解以今地形詳于圈外作證考諸傳說及地志沿革等書非者置之是者宗之不敢偏徇故曰正解

一經史百氏之書異同互見而各有所得茲藉以參訂者凡書三十餘種用其說而不備錄其文有數說互異者祇審定一說以歸省約慎擇善也故列參訂書目以著采

禹貢正解凡例

輯所自

一九州寬較狹而近舜之幽州似幽本在兗周禮兗幽二州皆其川河沛也然禹功後舜分冀東北爲幽其說自漢已然不敢創異三代沿革具表以見大凡

一諸書載禹貢輿地所在大率名因代異今釋州縣名彙次爲表取便檢閱特限于篇幅其名有古今相同或古迹已見圈外可意會者從略

一分節依蔡氏功令也。其九州分節歌因舊傳田賦歌稍損益之。每節取一二字入句。附任土作貢表後。以便初學記誦。

一篇中註釋多本前人。然如冀揚之島夷。荆之三邦。豫之荷澤。孟豬。梁之和夷。沔雍之黑水。崑崙。導江之東陵。各就地勢疏證。不襲舊說。至九江雲夢。雖傳說紛然。亦必探其實在。餘倣此。

一切音折衷康熙字典。字體則遵監本。如洛禹貢正解 凡例 二

本作雒。除佳加水。自魏丕始。乃詭云漢以火行去水。不足信也。然監本相沿。姑于圈外作雒以別之。

一導漾導江節。各末三句可疑。今憑地望。隨文爲解而已。侯服節。三百里諸侯。三當作二。書法與下三節同。



禹貢正解圖表

目次

輿圖 并跋

參訂書目

三代九州沿革表

禹貢輿地今釋表

今釋外表


任土作貢表


附九州分節歌

禹貢正解圖表

禹貢輿圖

是圖山从△川从∥故川从|界从-餘條从·今省界別以紅筆開方每縱橫各四百里





禹貢正解圖表

一一

鎮讀禹貢註釋之書。凡三十餘種。以今輿圖證之。其山川遠近方向。與經文無甚參差。而註釋多歧出。茲為禹貢正解。既釋今名于圈外。乃就

大清一統輿圖。參以諸家圖志。縮繪每方四百里一圖。著九州山川地名于上。弁諸簡首。其非禹功所及者。未盡著也。惟黃河徙決。歷代不同。按自今河南滎澤縣。東北循濬縣。迄直隸天津縣入海。禹故河也。禹功

差音維

徙音璽



漢音浪

渦音戈  
汜同汴

辨音荐

屯音豚

朝音潮

埽音燥

之後有自滎澤縣引河東出陽武縣曰漢蕩渠行祥符縣分爲二一東南灌通許縣合渦水由安徽懷遠縣入淮一汜水注江蘇豐縣東南下桃源縣入淮周定王五年河徙自濬縣宿胥口東行漯川右逕滑縣東北出長壽津與漯別向山東館陶縣歷德州達直隸交河縣今老漳河鉅天津縣復禹故河漢元封時館陶縣別有屯氏河東北注海豐縣暨直隸滄州入海新莽始禹貢正解

圖表

三

建國三年河徙自滑縣東泛直隸開州東北行山東朝城縣絕漯逕禹城縣又絕漯北界惠民縣由濱州入海唐景福二年河徙自惠民縣東北抵海豐縣入海宋慶厯八年河徙自開州商胡埽東北逕清河縣出青縣遶靜海縣入海金明昌五年實宋紹熙五年河徙自陽武縣光祿村東抵蘭儀縣東北歷山東壽張縣分東南二派東大清河由東阿縣東北至利津縣入海南

魯濟由鄆城縣絕大野。下濟甯州合泗。東南至江蘇清河縣入淮。元至元二十五年。河徙自祥符縣。復引河渦水故道。泰定三年。河徙自陽武縣。復引河汜水故道。

本朝咸豐五年。河徙自蘭儀縣銅瓦廂。復金大清河故道。此自禹以來。河徙流之大略也。夫治水之道。宿胥口以東地勢。殆南高而北下。河之北行。其性也。故北行罕聞。漫決。南徙則爲患重。東徙則爲患輕。已往之

禹貢正解

圖表

四

事如此。今非河東徙之時乎。特書之。以補圖所不備。不另繪歷代河徙圖也。光緒二十四年六月華亭朱鎮



參

漢書地理志  
水經注  
尚書正義  
晉書地理志  
隋書地理志  
括地志  
史記正義  
通典

漢班固  
魏鄭道元  
唐孔穎達  
房喬  
長孫無忌  
魏王泰  
張守節  
杜佑

御製幾暇格物編  
欽定書經傳說彙纂  
御批通鑑輯覽  
大清一統志  
禹貢錐指  
尚書地理今釋  
明史地理志  
水道提綱  
惜抱軒經說  
尚書今古文注疏  
松江府志

國朝康熙  
雍正  
乾隆  
乾隆  
胡渭  
蔣廷錫  
張廷玉  
齊召南  
姚鼐  
孫星衍  
宋如林  
賀長齡  
吳崑  
李兆洛  
成蓉鏡  
李光廷  
俞樾  
陶保廉

訂

元和郡縣志  
太平寰宇記  
唐書地理志  
通志

宋樂史  
歐陽修  
鄭樵  
蔡沈  
元馬端臨  
托克托  
明鄭曉  
黃宗羲  
顧祖禹

皇朝經世文編  
禹貢便讀  
李氏五種  
禹貢班義述  
漢西域圖考  
羣經平議  
辛卯侍行記

宋如林  
孫星衍  
姚鼐  
齊召南  
張廷玉  
蔣廷錫  
胡渭  
乾隆  
乾隆  
雍正  
國朝康熙

書

文獻通考  
宋史地理志  
禹貢要注  
今水經  
讀史方輿紀要

元馬端臨  
托克托  
明鄭曉  
黃宗羲  
顧祖禹

皇朝經世文編  
禹貢便讀  
李氏五種  
禹貢班義述  
漢西域圖考  
羣經平議  
辛卯侍行記

宋如林  
孫星衍  
姚鼐  
齊召南  
張廷玉  
蔣廷錫  
胡渭  
乾隆  
乾隆  
雍正  
國朝康熙

目

書經集傳  
文獻通考  
宋史地理志  
禹貢要注  
今水經  
讀史方輿紀要

元馬端臨  
托克托  
明鄭曉  
黃宗羲  
顧祖禹

皇朝經世文編  
禹貢便讀  
李氏五種  
禹貢班義述  
漢西域圖考  
羣經平議  
辛卯侍行記

宋如林  
孫星衍  
姚鼐  
齊召南  
張廷玉  
蔣廷錫  
胡渭  
乾隆  
乾隆  
雍正  
國朝康熙

禹貢正解圖表

夏

書商

制周

禮

冀州  
河內○壺口梁岐太原岳兩河間○兼無○同舜  
陽尊懷衡漳恆衛大陸碣石○兼并幽○同堯

○同商

河內○霍山楊紆漳汾路

并州  
無○禹功後舜分冀東北今無○同夏  
灤河西置夏復入冀

正北○恆山昭餘祁虜池  
嘔夷涑易○幽分置○同

幽州  
無○禹功後舜分冀東北燕○昭余祁○冀分置○  
今遼河西置夏復入冀 兼并

東北○醫無閭獫狁河沛  
菑時○兼兗東北舜青東  
北舜營○分置并

兗州  
濟河○九河夏滌沮潔濟河間○同夏  
○同唐虞

河東○岱山大野河汾盧  
維○兼舜青西南徐西北  
○分東北入幽

青州  
海岱○隅夷濰淄萊夷○無○改置營  
兼營○同堯

正東○沂山望諸淮泗沂  
沭○徐改置缺西北

州

營州  
無○禹功後舜分青東北齊○海隅○青改置○同無○分入幽兗  
今遼河東置夏復入青 夏青

○同無○分入幽兗







任 土 作 貢 表

充 土黑墳  
田中下  
賦貞

貢漆絲  
筐織文

冀 土白壤  
賦上上錯  
田中中

烏夷皮服

雍 土黃壤  
田上上  
賦中下

貢球琳琅玕  
織皮西戎

青 土白墳 海濱廣斥  
田上下  
賦中上

貢鹽緇海物絲泉鉛松  
怪石 萊夷作牧  
筐厭絲

豫 土壤 下土墳墟  
田中上  
賦錯上中

貢漆泉綸紕  
筐織纈 錫磬錯

梁 土青黎  
田下上  
賦中中三錯

貢鏐鐵銀鐵磐磬  
熊羆狐狸織皮

徐 土赤墳墳  
田上中  
賦中中

貢磬 淮夷蠙珠魚  
筐元織縞

揚 土塗泥  
田下下  
賦下上上錯

貢金瑤琨篠簜齒革羽  
毛木 烏夷卉服  
筐織貝 錫櫛櫛

荆 土塗泥  
田下中  
賦上下

貢羽毛齒革金柎幹栝柏  
礪砥砮丹箇籥楛荍茅  
筐元纁璣組 錫大龜

禹貢正解圖表

八

九州分節歌

冀州壺口治梁岐。太原覃懷白壤兮。

賦一田五水恆衛。島夷碣石路無迷。

兗州九雷灘沮合。桑土黑墳繇條接。

厥田中下厥賦貞。漆絲織文浮濟潔。

青州嶋夷灘淄水。厥土白墳海濱止。

田三賦四貢鹽締。浮于汶兮達于濟。

徐州淮蒙與大東。赤埴墳兮漸包叢。

田二賦五土五色。淮泗達河道亦通。



枯本音  
剗叶音  
禾切音  
科音

揚州彭陽三震連。篠蕩天喬塗泥焉。

田九賦下上上錯。惟金三品江海沿。

荊州江漢記朝宗。九及沱兮雲夢通。

土塗田八賦上下。羽毛貢出江沱中。

豫州伊雒暨滎荷。土壤下墳墟後枯。

田四賦錯上中者。漆泉浮雒達于河。

梁州岷嶓沱潛兮。蔡蒙和夷土青黎。

田七賦下中三錯。璆鐵西傾因可稽。

雍州弱水涇漆澧。荆岐原隰三危功。

禹貢正解圖表 九

土黃田一賦第六。球琳積石及西戎。

枯本音  
剗叶音  
禾切音  
科音

王去聲

繫詰計切音契

勑同創去聲  
顛音旭

斫音灼  
度入聲

識音式

業詰指

下治俱去聲凡

禹貢

朱鎮正解

禹貢堯時事。夏史所書禹之王。以是功也。九州有賦有貢。賦者各供其國用。貢者同獻于天子。繫貢以名篇。有大一統之義存焉。○帝堯七十二載。舜攝位。禹作司空。受命治水。

禹敷土。隨山刊木。奠高山大川。

敷芳無切。刊苦寒切。

此述禹治水之始事。敷布也。九州之制。勑自顛。顛禹分布治之。因土各有守也。循行

禹貢正解

一

近水之山。斫木通道。觀水之形勢。而度其功焉。奠定也。高山大川。五岳四瀆之屬。定其名。以別識州境。由是量事。命曰。不愆于素。凡八載而慶平成也。○高山。五岳。中曰太岳。詳導山。東曰岱。詳青州。南曰衡山。西曰太華。北曰恆山。詳導山。大川。四瀆。曰河。曰江。曰濟。曰淮。詳導水。

冀州

冀九利切

此以下。記九州之功也。堯治平陽。有此冀



降下之  
下府縣  
治之治  
茲同

塞去聲

汾音焚  
涇音岑  
遵音徑

鉅音巨

沽音孤

方不言州域者。河內可知也。凡治水。皆從下流始。水之患。莫甚于河。河行冀兗為多。冀兗之水。各自東北入海。冀是帝都。故首冀。而東南次兗。次青。青南次徐。次揚。揚西次荆。荆北次豫。豫西次梁。梁北次雍。雍地最高。故獨後也。○冀三面據河。自今山西清水河廳西。與雍分域。為西河。南入塞。行偏關縣。下河津縣。汾水出靜樂縣北管涔山。東南逕陽曲縣。西南轉汾陽縣。向臨汾禹貢正解

二

縣西南。遶故堯都。由絳州西流注之。南至永濟縣。與豫分域。為南河。又東行河南溫縣合濟。逕獲嘉縣故河。至汲縣。與兗分域。為東河。又北行臨漳縣合洺水。逕直隸鉅鹿縣大陸。迄東鹿縣合衛水。民曰徒駭。又東北向文安縣合恆水。為三角淀。又合桑乾水。東沿天津縣北倉。至直沽口入海。冀州。今山西省。及河南彰德府之安陽湯陰臨漳林武安涉六縣。衛輝府之汲新鄉獲

邢音形

邯音寒

鄆去聲

凡盛大

同之感竝

殺去聲

難去聲

嘉淇輝五縣。懷慶府之河內濟源修武武

陟孟温六縣。直隸之順天保定承德永平

正定宣化六府。遵化易趙深定五州。河間

府之河間肅甯任邱三縣。順德府之邢臺

沙河南和平鄉鉅鹿唐山內邱任八縣。廣

平府之永年曲周肥鄉雞澤邯鄲成安六

縣。磁州。盛京之錦州府。奉天府之新民廳。

內蒙古之東四盟十九部落三十六旗。察

哈爾左右翼八旗。

禹貢正解

既載壺口。載作代切



三

載事也。壺口山名。在河東龍門之上。禹已

有事于此者。殺河勢也。○壺口山。在今山

西吉州西北。下接龍門。詳雍州。

治梁及岐。治澄之切

梁。呂梁山。岐。狐岐山。洪水之時。龍門未闢。

河出孟門之上。二山距帝都之北。適當其

衝。治之則使緣山足。乘高而東北入海。所

以急君難也。○梁山。在今山西永甯州東



北。禹鑿呂梁卽此。州西北有孟門鎮。岐。今狐岐山。在山西孝義縣西。

既修太原。至于岳陽。岳通嶽

瀕音頻

高平曰太原。岳。太岳。霍太山也。山南曰陽。太原。汾水所出。岳陽。汾水所逕。瀕于堯都。

因鯨之功而修之。所以導汾入河。成先績也。

○太原。今山西太原縣。禹時北起靜樂

縣。岳。太岳。見導山。岳陽。今岳陽縣。禹時南

訖陽城縣。岳神山。西。

見音賢 去聲凡 顯見之 見茲同

禹貢正解

四

覃懷底績。至于衡漳。底陟利切。衡通橫。漳音章。

覃懷。南河地名。懷襄之時。平地致功。爲難。

故書底績。漳水有二。出沾嶺曰清漳。出發

鳩山曰濁漳。合流爲泇水。謂之衡漳者。清

漳南下。而濁漳東過之。地形南北爲從。東

西爲衡也。自覃懷北至衡漳。俱平治矣。○

覃懷。今河南河內縣。有覃懷驛。衡漳。今濁

漳。自山西長子縣西發鳩山。東北接屯留

縣。盤秀嶺水注之。轉襄垣縣。東逕河南林

沾都念 切音店

從音蹤

治去聲 凡已治 同之治茲

縣衡漳之地。北岸交漳口。清漳自山西和順縣北沾嶺。南流注之。又向直隸磁州。爲泮水。至河南臨漳縣入河。

厥土惟白壤。

壤音穰上聲

和柔無塊曰壤。冀之土。其色爲白。其質爲壤。蓋水去。始土性復。色質辨。乃可教民樹藝而定賦法也。

厥賦惟上上錯。厥田惟中中。

錯倉各切

錯。雜也。賦第一等。雜出第二等也。田第五

禹貢正解

五

等。先賦後田者。畿內之地無貢名。是兼土宜而征之。賦非盡出于田也。

恆衛既從。大陸既作。

恆水出恆山。衛水出秦戲山。勢各瀾漫。自河流不壅。二水皆順從。大陸澤傍之地。亦可耕作矣。恆衛在梁岐東北而又遠。大陸地廣而淪于河。故其功成于田賦之後也。○恆。今澨水。自山西渾源州南恆山。東南行直隸曲陽縣。下祁州。合滋水。屈東北至



時音呼  
淳音郭

獮音魂

文安縣入河。衛。今淳沱水。自山西繁時縣東。泰戲山。西行。淳縣。東南轉定襄縣。逕直隸靈壽縣。至東鹿縣入河。大陸澤。在今直隸鉅鹿縣西。隆平縣南。東北通甯晉泊。泊西甯晉縣。有大陸村。

島夷皮服。島通鳥。都故切。同島。

海曲曰島。皮裘也。貂獮之屬。衣之貴者。此東北島夷。捕貂為業。而獻皮服以自效也。

○島夷。今吉林額勒河上。貢貂各族所居。

### 禹貢正解 六

東濱海。海中有庫葉島。

夾右碣石入于河。碣音傑。

夾。挾也。碣石。海畔山。承上文島夷來貢。自渤海而西。右顧碣石。如挾以行。然後入河而達帝都也。○碣石山。在今直隸昌黎縣西北。山頂有巨石如柱形。

濟河惟兗州。濟子禮切。兗以淺切。

兗州之域。東南據濟。西北至河。○濟北岸。出今山東荷澤縣東南平地。與豫分域。為

荷濟東逕荷澤。至魚臺縣牛頭河。與徐分域爲魯濟。又西北歷嘉祥縣大野。至壽張縣大清河。今黃河與青分域爲齊濟。又東北向齊河縣。沿濟陽縣。至利津縣入海。河故河東岸。自今河南滑縣入兗域。東北接濬縣別深。又出縣北大齊村。北達直隸南宮縣。播九河。由衡水縣徒駭河。東北逕青縣。轉天津縣。運河絕之。至縣東入海。兗州今山東之東昌府。臨清州。濟南府之齊河

禹貢正解

七

濟陽德平禹城臨邑平原陵七縣。德州。武定府之惠民陽信海豐樂陵利津霑化商河七縣。濱州。兗州府之陽穀壽張二縣。曹州府之荷澤范觀城朝城鄆城鉅野六縣。濮州。濟甯州之嘉祥縣。直隸之天津大名二府。冀州。河閒府之獻阜城交河甯津吳橋故城東光七縣。景州。順德府之廣宗縣。廣平府之廣平威清河三縣。河南彰德府之內黃縣。衛輝府之濬滑二縣。



殺去聲

九河既道。道杜皓切

黼音釜

絜音屑  
切同潔

高音隔

河自大陸以北。其勢愈大。禹播九河以殺

之。蓋徒駭是河之經流。東出分爲八枝。既

道者。已順入海之道也。○九河故道。曰徒

駭。即東河。其別曰太史。由直隸青縣。東北

至靜海縣入海。曰馬頰。曰覆鬴。由交河縣。

東北至滄州入海。曰胡蘇。由東光縣。曰簡

曰絜。由故城縣。東北逕南皮縣。皆至鹽山

縣入海。曰鉤盤。由山東德州。東北逕直隸

禹貢正解

八

甯津縣。曰鬲津。由山東陵縣。東北逕德平

縣。皆至海豐縣入海。

雷夏既澤。夏亥雅切

雷夏。即雷澤。澤者。水之鍾也。方汜濫時。高

原亦水。澤不爲澤。今此則復爲澤矣。○雷

夏。在今山東濮州東南。有雷澤故城。接荷

澤縣東北。

濼沮會同。濼同澗沮音疽

濼沮二水出雷澤西北平地。會者。水之合

也。同者合爲一也。此因澤水既陂。乃濬澮。沮之故道。會流而同歸于澤也。○澮沮俱出今山東濮州南。河徙之地。東南合流爲沮溝。入雷澤。

桑土既蠶。是降丘宅土。

宜桑之土。既可養蠶矣。小陵曰邱。宅居也。民先依邱而居。至是得下居平土也。○桑土。濮上桑閒。今直隸開州西南。濮水北。有濮陽故城。邱。今廩邱在山東范縣東南。敦邱。在觀城縣南。瑕邱。清邱。在直隸開州東南。帝邱。鐵邱。在州西南。旄邱。在州西。楚邱。在河南滑縣東北。

禹貢正解

九

厥土黑墳。厥草惟繇。厥木惟條。墳上聲後同。繇音遙。

墳。土肥澤也。色黑質墳也。繇。茂條。脩暢也。

言水治土安。草木亦遂其性矣。

厥田惟中下。厥賦貞。作十有三載。乃同。有尤救切。

通又載上聲。

田第六。賦第九。貞。正也。一也。一以薄賦爲



易去聲

正也。充當河下流之衝。被水尤劇。今水患雖消。而壅闢不易。必耕作一紀之後。賦法乃同于他州也。

槩音休

厥貢漆絲。厥篚織文。

漆音七。篚。府尾切。

漆。木汁可髣物。篚。竹器。上文厥木惟條。宜漆也。桑土既蠶。宜絲也。故制以為貢。織而有文。綾羅之屬。則盛之篚而貢焉。

感音成

浮于濟。潔。達于河。

潔音揭。

舟行水曰浮。因水入水曰達。蓋自古濟潔

禹貢正解

十

通流。潔者。河之分枝。充之貢道。浮濟及潔。以達于河也。○潔。故川。自今河南濬縣宿胥口。分河水。東下直隸開州。東北出山東朝城縣。逕聊城縣。有通濟閘。又逕禹城縣。注臨邑縣。至濱州入海。

海岱惟青州。

青州之域。東據海。西南至岱。○海。渤海。為東海派。今山東東北。直隸東南。盛京西南。朝鮮西北界。岱。東岳泰山。在山東歷城縣。

南接徐域。今泰安縣北。青州。今山東之青州。登州。萊州。三府。濟南府之歷城。章邱。鄒平。淄川。長山。新城。齊東。長清。八縣。泰安府之東阿。平陰。萊蕪。肥城。四縣。盛京之鳳凰。興京。二廳。奉天府之承德。海城。蓋平。開原。鐵嶺。五縣。遼陽。復二州。金州廳。

岬夷既略。

岬音偶

為去聲

眇音軫

岬夷。東表之地。略。經略也。水害既除。而為之封眇也。○岬夷。朝鮮。今改國號韓。有八

禹貢正解

十一

道。王居漢陽。曰京畿。西與山東登州府治。隔海相對。東曰江原。北曰黃海。曰平安。故箕子都。為盛京。鴨綠江交界。東北曰咸鏡。為吉林。圖們江交界。南曰忠清。曰全羅。東南曰慶尙。有釜山。口。距日本國馬關。海綫一百二十二里。中逕對馬島。

濰淄其道。

濰音惟。淄側持切。

濰水出箕屋山。淄水出原山東谷。其道者。循入海之故道也。青雖瀕海。而不當眾流。



莒音舉

之衝。二水治。則其功畢矣。○濰。自今山東莒州北箕屋山。東行諸城縣。折北逕安邱縣。合東汶。至昌邑縣入海。淄。自山東博山縣南原山東谷。東北逕臨淄縣。至樂安縣。清水泊入海。

厥土白墳。海濱廣斥。

斥音尺

平地之土。色白而質墳。至于海涯。彌望皆斥鹵之地。可糞為鹽者也。

鹵音魯  
糞音渚

厥田惟上下。厥賦中上。

禹貢正解

三

田第三賦第四也。

厥貢鹽絺。海物惟錯。岱畎絲枲。棗棗。

夷作牧。厥篚檿絲。絺抽遲切。畎音狷。上聲。枲想里切。音蔥。鉛余專切。音

沿牧音目。檿於檢切。音掩。

絺。細葛。鹽絺。衣食所需也。海物非一種。故

曰錯。燕享所供也。岱畎。泰山之谷。絲。同克。

枲。牡麻。鉛。黑錫也。絲枲。以供服用。鉛。以製

器皿。松。以作梁棟。奇怪之石。藉資器飾也。

萊夷。萊山之夷。作。猶斫也。畜牧鳥獸。斫之

斫音捉  
畜音畧

勒音忍  
中去聲  
凡中訓  
合者同  
繪音層

以貢也。屨。山桑。柘屬。其絲堅韌。中琴瑟之  
弦。亦可爲縉。故篋之。凡物著其地者。以此  
地所出爲良也。○萊夷。萊子國。今萊山。在  
山東黃縣東南。有故黃城。

浮于汶。達于濟。汶音問

汶水出原山之陽。流逕于徐。西南入濟。不  
言由漯達河者。因于兗也。○汶。今大汶。自  
山東萊蕪縣東北原山。西南行徐域。今泰  
安縣。小汶水從東南新泰縣來會。至汶上

禹貢正解

三

縣。濟。魯濟。自徐域。今魚臺縣東岸。西北注  
濟甯州大野。出汶上縣會汶。迄東平州。接  
青城。爲齊濟。今黃河南岸東阿縣。東北逕  
歷城縣。至蒲臺縣入海。

海岱及淮惟徐州。淮音槐

徐州之域。東至海。北至岱。南及淮。兼言三  
邊者。所以別于青揚也。○海。東海。今山東  
江蘇浙江福建東界。岱。見青州。淮。北岸。自  
今安徽鳳臺縣入徐域。東出泗州洪澤湖。



東北逕江蘇清河縣泗口。今運河口。至安東縣入海。徐州。今山東之沂州府。泰安府之泰安。新泰二縣。東平州。兗州府之滋陽。曲阜。甯陽。鄒。泗水。滕。嶧。汶。上。八縣。濟甯州之本州。江蘇之徐州府。海州。淮安府之安東。桃源二縣。安徽鳳陽府之懷遠。鳳臺。靈璧二縣。宿州。泗州之本州。五河縣。

淮沂其乂。

沂魚衣切。又音刈。

淮水出桐柏山。沂水出沂山。乂。治也。其乂。

禹貢正解

古

者。沂注泗以達淮。淮會泗而歸海也。泗可知。故不言也。○沂。自今山東沂水縣西北沂山。東南逕縣西。折西南合蒙陰水。下郟城縣。至江蘇邳州陸家營入泗。

蒙羽其藝。

蒙羽二山。皆近沂水。濬。畎。澮。距川。而其地。

可藝也。方耕曰作。既種曰藝。○蒙。東蒙山。

在今山東蒙陰縣南。接費縣北。山下有顛。

臯故城。羽山。在山東郟城縣南。接江蘇贛。

澮音僧

種去聲

費兵媚

切音祕  
贛音紺

榆縣西南。

大野既豬。豬通

蓄音觸

大野澤名。濟水所絕。水停蓄曰豬。往常漫溢。今已豬而為澤也。○大野。今蜀山湖。在山東濟甯州西北。汶上縣西南。西曰南旺湖。接兗域。今鄆城縣東南。嘉祥縣東北。嘉祥西有獲麟堆。

東原底平。

東原地名。在濟之東。自禹陂大野而下流。

禹貢正解

五

之患亦紆。底平者。水退而致治平也。○東

原。今山東東平州西。有東原驛。

厥土赤墁。墳草木漸包。墁。質力切音。墁包。通苞。

土黏曰墁。其色赤。其質墁而墳也。漸。謂曰

進于茂。包者。叢生而積也。

厥田惟上中。厥賦中中。

田第二。賦第五也。

厥貢惟土五色。羽畎夏翟。嶧陽孤桐。泗濱浮磬。淮夷蠙珠暨魚。厥篚玄纈。縞翟音狄。嶧音亦。蠙音蒲。眠切。

稹音軫



暨音既。織思廉切。縞古考切。

徐土雖赤而五色亦閒有之。用建太社。封諸侯也。羽山之谷有雉具五采。其羽中旌旄。嶧山之南有特生之桐。其材中琴瑟。泗水之石露于水濱。若浮水然。琢之成爲磬也。淮夷淮北近海之夷。蠙蚌珠。珠名。暨及也。珠爲服飾。魚供祭祀也。元黑色。織細縵。縵白縵。言筐所盛者。黑細縵與白縵也。

赭音者

○土五色。出今江蘇銅山縣北赭土山。嶧

禹貢正解

六

陽。今山東嶧縣治。嶧山南。泗濱。今江蘇邳州西。故有磬石。淮夷。今安東縣。

浮于淮泗達于河

沂音訴

泗水出陪尾山。西被于濟。上可以通潔。而下入于淮。茲浮淮沂泗而言達河者。中逕濟。潔無疑也。○泗。自今山東泗水縣東陪尾山。西逕曲阜縣孔林。雩水由東南注之。又行滋陽縣。西南接濟甯州。今運河西北通魯濟。又東南歷滕縣。昭陽湖。下江蘇邳

州會沂。至清河縣入淮。

### 淮海惟揚州

揚州之域。北至淮。東南至海。○淮南岸。自今安徽霍邱縣入揚域。東北行鳳陽縣。西有塗山。山前有禹會村。又注盱眙縣洪澤湖。歷江蘇清河縣清江運河口。至阜甯縣入海。揚州。今江西浙江福建三省。及江蘇之江甯蘇州松江常州鎮江揚州六府。太倉通二州。海門廳。淮安府之山陽阜甯鹽

### 禹貢正解

七

城清河四縣。安徽之安慶徽州甯國池州太平廬州六府。廣德滁和六安四州。鳳陽府之鳳陽定遠二縣。壽州。潁州府之霍邱縣。泗州之盱眙天長二縣。廣東潮州府之饒平大埔澄海三縣。

### 彭蠡既豬

蠡音禮

彭蠡鄱陽湖也。南承贛水。北注大江。禹爲彭澤之障以豬之。乾東土也。○彭蠡。今鄱陽湖。在江西南昌新建二縣東北。建昌星

盱音吁  
胎音怡

鄱音婆  
贛音感  
乾居寒  
切音干



復去聲

復去聲

子德安三縣東。德化縣東南。湖口縣西南。都昌鄱陽二縣西。餘干縣西北。其源有二。一章水出湖南桂陽縣孤山。東流。一貢水出福建長汀縣新路嶺。西流。會于江西贛縣。為贛水。亦曰南江。北行廬陵縣。東北逕豐城縣。合撫水。注建昌縣。沿湖西岸至德化縣。東岸湖口縣入江。

陽鳥攸居。攸音由。

澤水既豬。洲渚自平。隨陽之鴈。亦得所居。

禹貢正解

六

止。而復其常矣。

三江既入。

三江。婁江。松江。東江也。禹疏三江。水皆東流。東江復屈北環之。既入者。東江合松江。而與婁江各入大江也。○三江。今江蘇吳江縣太湖分流。東北曰婁江。由元和縣婁門港。東沿新陽縣致和塘。東北至鎮洋縣劉家河入江。東曰松江。即吳淞江。由瓜涇橋。逕崑山縣南。青浦縣北。至上海縣虹口。

湮烏前  
切音煙

入東江。東南曰東江。由龐山湖。注急水港。歷青浦縣薛澱湖。婁縣斜塘港。出金山縣柘湖。南至衛城小官浦。東界華亭縣入海。宋元以來。柘湖湮塞。而東江入海之迹廢。今自斜塘港達黃浦。猶是東江分派。東行華亭縣揚水渡。迄上海縣閔行鎮。折北至虹口。合松江。又東而北。至寶山縣胡巷口入江。江中有崇明縣。東臨大海。

震澤底定。

禹貢正解

九

震澤。太湖也。具區之水。多震而難定。故謂之震澤。自三江既入。而澤下流以通。底定者。言致于定而不震蕩也。○震澤。今太湖。自安徽蕪湖縣受江水。東南下石臼湖。出江蘇高淳縣固城湖。東逕溧陽縣。至宜興縣大浦鎮。鍾爲澤。周邊紆迴六百二十八里。西南接浙江烏程縣。二十八淩注之。長興縣。三十四淩注之。西北接江蘇荊谿宜興二縣。北接陽湖無錫二縣。東接長洲吳

淩郎口  
切音樓



吳江三縣東南接震澤縣。

篠蕩既敷。厥草惟夭。厥木惟喬。厥土惟塗泥。

篠先了切蕩音蕩天音妖

篠小竹。蕩闊節之竹。水去。竹已布生也。夭

色愉貌。喬高也。塗泥水和土也。

厥田惟下下。厥賦上下。上錯上上聲

田第九賦第七雜出第六也。

厥貢惟金三品。瑤琨篠簜。齒革羽毛。惟木。島

夷卉服。厥篚織貝。厥包橘柚錫貢。瑤音遙琨音昆卉許

禹貢正解 三

偉切音虺柚音宥

三品金銀銅也。可充國用。瑤琨皆石似玉

者。可為禮器。篠中矢之筈。蕩中樂之管。象

齒犀革。以成車甲。鳥羽獸毛。藉飾旌旄。厥

木惟喬之材。併適棟宇器用。卉草也。葛越

之屬。貝介蟲也。東南海中島夷。以草服來

貢。而織五色貝文之錦。則入篚焉。此歲貢

之常也。包裹也。小曰橘。大曰柚。須之有時

錫者。必待錫命乃貢。言不常也。○島夷。今

和去聲

奇買我切音奇

臺灣。在福建廈門廳海口東。

沿于江海。達于淮泗。

緣水而下曰沿。禹時江淮未通。故沿江入海。自海沂淮以達泗。不言達河者。因于徐也。○江。大江。今揚子江北岸。自江西德化縣小池口入揚域。東下安徽望江縣。東北逕無為州。巢湖水由巢縣東流注之。歷江蘇江都縣瓜洲運河口。出泰州。東南至海門廳入海。南岸自江西瑞昌縣入揚域。東

禹貢正解

三

接德化縣。會彭蠡。東北由安徽東流縣。抵當塗縣。逕江蘇丹徒縣京江運河口。遶丹陽縣。東南至寶山縣入海。

荆及衡陽惟荆州。

衡音行

荆州之域。北據南條荆山。南及衡山之陽。言陽者。見其境盡山南也。○荆山。在今湖北南漳縣西北。衡山。見導山。衡陽。今湖南衡陽縣。禹時南界五嶺。一大庾嶺。湖南江西廣東交界。二騎田嶺。三都龐嶺。竝湖南



廣東交界。四萌渚嶺卽桂嶺。五越城嶺。竝  
湖南廣西交界。荊州。今湖南省。及湖北之  
武昌漢陽安陸德安黃州荊州宜昌施南  
八府。荊門州。襄陽府之宜城南漳二縣。廣  
西桂林府之興安灌陽二縣。全州。

江漢朝宗于海。

朝音潮

宗尊也。江漢二水。至大別山合流。去海尚  
遠。然水道大通。其勢已奔趨于海。猶諸侯  
同心尊天子而朝事之也。○江。大江北岸。

禹貢正解

三

自今湖北巴東縣萬流驛入荆域。東逕歸  
州。東南下江陵縣。南接石首縣別沱。今沱  
感江衰。又下湖南南洲廳。東沿洞庭湖。東  
北由湖北監利縣。迄漢陽縣合漢。折黃陂  
縣。東南注蘄州。至廣濟縣。與揚接界。南岸。  
自湖北巴東縣入荆域。東南向枝江縣。東  
逕松滋縣。又東南歷石首縣藕池口。南接  
湖南安鄉縣。向南洲廳西南。由洞庭湖。東  
注巴陵縣。合九江。東北行臨湘縣。達湖北





縣。漣江西南自邵陽縣北龍山界江坳來會。又北逕長沙縣。瀏江東自瀏陽縣東北大圍山來會。又逕湘陰縣。汨江東自江西義甯州西南桓山來會。又沿洞庭湖東岸東北至巴陵縣入江。

沱潛既道。

沱音駝。潛慈鹽切。

沱夏水。潛蘆泐水。此荆之沱潛也。水自江出爲沱。自漢出爲潛。孔殷既道。皆本朝宗而然也。○沱自今湖北石首縣中夏口受

禹貢正解

禹

埠同歩  
沌音篆  
江水東曲折出監利縣。東南至荆河腦。右界湖南巴陵縣入江。潛自湖北潛江縣蘆泐腦受漢水。南行拖船埠。接監利縣。又屈西而南。東下沔陽州。由沙湖鎮東北響水港。至漢陽縣沌口入江。

雲土夢作又。

雲夢洞庭湖也。古稱北雲南夢。雲之地始見其土。夢之地已可耕治。蓋地勢有高卑。人工有早晚也。○雲夢今洞庭湖。在湖南

沅音元

華容縣南。西北接南洲廳。受江水。西南接龍陽縣。受沅水。出貴州都勻縣。南接沅江。縣受資水。出武岡州。東南接湘陰縣。受九江水。東北接巴陵縣。入江。

厥土惟塗泥。厥田惟下中。厥賦上下。

稍音哨

土雖與揚同。以地勢稍高。故田加于揚一等。而賦為第三者。人工修也。

厥貢羽毛齒革。惟金三品。柶、榦、栝、柏、礪、砥、柶、丹、惟、篚、篚、楛、三、邦、底、貢。厥名。包、匭、菁、茅。厥、篚、

禹貢正解

堯

玄纁璣組。九江納錫大龜。

柶音楛。榦音干。去聲。栝音括。砥音紙。

柶奴古切。音弩。篚音寗。籛同。籛音路。楛音戶。匭音軌。菁音精。組音祖。

檜音膾

荆貢與揚多同。然先言羽毛者。以善者為

先也。柶可為弓。榦、栝、檜也。柏、葉、松、身、栝、柏、

竝資舟車器械。礪、砥、磨石。礪、麤、砥、細。藉、利、

鋒、刃。柶石。中矢。斨。丹砂。中采色也。篚、籛、竹、

楛、木。三者以備矢筈。三苗之邦。所致貢其

名美也。匭、匣也。菁、茅。有刺而三脊。供祭祀

縮酒之用。既包而又匣之。昭敬也。元纁、二

斨音族

斨音元



尚音洞

幣纁淺絳色。組綫屬璣組者。文似小珠。冕旒之就。盛于篚焉。此皆常貢也。尺二寸曰大龜。出九江水中。得之則納錫于上。不為常也。○三邦三苗國。今湖南澧沅資三水。上谿崗諸苗。其種不一。包茅山在湖南麻陽縣東。有三春茅。

浮于江沱潛漢。逾于洛。至于南河。

逾音俞。洛通維。

舍上聲

逾。越也。荆之貢道。浮江浮沱浮潛。皆達于漢。漢與洛不通。故舍舟而陸。以越于洛。因

禹貢正解

美

洛而至南河也。○洛有二。一雍州洛。出今

陝西靖邊縣西白於山。東南至朝邑縣入西河。與書無涉。一豫州洛。當作雒。茲所逾者。漢自今湖北均州北進均口。沂河南浙川廳丹水。西北迄陝西商州。陸行熊耳山。接雒南縣。由雒至河。見豫州。

荆河惟豫州。

豫州之域。西南至南條荆山。北距南河。○荆山。見荆州。河南河南岸。自今河南閩鄉

閩音文

汜音似

鄆音云

單上演  
切音善

替通潛

縣入豫域。東逕汜水。縣合雒。下滎澤縣。歷

代河。徙著圖跋。東北故河。由原武縣。至延

津縣。與兗接界。豫州。今河南之開封陳州

歸德河南南陽汝甯六府。許陝光汝四州。

衛輝府之延津封邱二縣。懷慶府之原武

陽武二縣。湖北之鄆陽府。襄陽府之襄陽

棗陽穀城光化四縣。均州。山東曹州府之

曹單城武定陶四縣。濟甯州之金鄉魚臺

二縣。安徽潁州府之阜陽潁上渦陽太和

### 禹貢正解

毛

蒙城五縣。亳州。

伊洛漣澗。既入于河。漣音塵

伊出熊耳山。洛出熊耳之冢嶺。漣出替亭

山。澗出白石山。伊漣澗三水入洛。合流而

入河。此言伊洛漣澗。乃治水之先後也。○

伊。自今河南廬氏縣東熊耳山。東北至偃

師縣入雒。雒。自今陝西雒南縣西熊耳山

冢嶺。東北至河南汜水縣入河。詳導水。漣

自河南雒陽縣西北替亭山。至縣東南入



澠音泚

雒澗。自河南澠池縣北白石山東南合穀水。東至雒陽縣入雒。

滎波既豬。滎音熒

滎。澤名。濟水潛行。溢而為滎。其波已成。遏

豬。不奔潰也。○滎。故澤。在今河南滎澤縣

南。右有古城村。

導荷澤。被孟豬。導大到切。荷音歌。被去聲。

荷澤。夏月湖也。孟豬。亦澤名。導。治。被。及也。

言荷澤流行。治之使被及孟豬也。○荷源

禹貢正解

三

今山東定陶縣西北。與兗分域。東注縣北

為荷澤。下金鄉縣萬福河。至魚臺縣魯濟

與孟豬通。孟豬。今微山湖。在魚臺縣東南。

接徐域。今滕縣南。嶧縣西。江蘇邳州西北。

銅山縣東北。沛縣東。

厥土惟壤。下土墳壚。壚音盧

土止言壤者。色雜也。壚。疏也。寡澤而後枯

也。其卑地。或墳或壚。故別言之。

厥田惟中上。厥賦錯上中。

卷一百一

田第四賦第二雜出第一也

厥貢漆、象、絺、紵。厥篚織、纊、錫、貢、磬、錯。紵直

漆同。兗、象、絺、紵。白麻織。同徐、纊、絲也。

織纊專供服御。故入于篚。皆常貢也。磬錯

治磬之石。非常貢也。

浮于洛。達于河。

豫去帝都雖近。而水多不與河通。故必浮

洛以達河。不言伊者。伊入于洛。浮洛則伊

可知也。○豫有汝、潁二水。屬淮北。不通河。

禹貢正解

无

茲書未見。

華陽黑水惟梁州。

梁州之域。東北距華山之陽。西至黑水。○

華。太華。見導山。華陽。今陝西雒南縣。黑水。

見導水。梁州。今四川貴州二省。及陝西之

漢中興安二府。商州。西安府之孝義甯。陝

二廳。甘肅之階州。鞏昌府之西和縣。秦州

之禮徽兩當三縣。雲南之雲南大理楚雄

澂江順甯曲靖麗江東川昭通九府。景東

鞏音拱

澂音澄



藏去聲

蒙化永北三廳武定州臨安府之通海河  
西嶺峨三縣甯州永昌府之保山永平二  
縣廣西州之本州師宗彌勒二縣元江州  
之新平縣西藏之前藏黑水東界

岷嶓既藝

岷音民  
嶓音波

岷山江水所出嶓冢漾水所出川源皆滌

水去不滯二山下無泛溢之憂其地已得

種藝也○岷山在今四川松潘廳西北有

列鵝村為禹導江處山北接雍域今甘肅

禹貢正解

三

岷州西南嶓即導漾之嶓冢山在今陝西

甯羌州北又雍州今甘肅秦州西南亦有

嶓冢西漢水所出禹功不勞

沱潛既道

沱郫江潛龍門水此梁之沱潛也上志岷

嶓下志沱潛江漢之源流治矣○沱自今

四川灌縣岷江東別逕郫縣遶華陽縣南

下富順縣東南至瀘州入江潛自今陝西

甯羌州沔水伏龍門岡下西南出四川廣

種去聲  
處去聲

郭音脾  
志同誌

元縣西漢水北來合之爲嘉陵江又逕昭化縣合桓南至巴縣入江

蔡蒙旅平旅音呂

沫音末漂音飄

蔡蒙二山沫水逕其間水脈漂疾在禹爲用功多也旅陳也祭山曰旅旅平者治平而陳祭也○蔡山在今四川雅安縣南蜀漢祀周公于蔡山俗稱周公山東有地名旅平蒙山在四川名山縣北

和夷底績

禹貢正解

三

和夷和上夷所居也和川之水東合沫水入江而其地致有功績矣○和夷今四川峨邊廳西嶺夷十二姓北有和川出松潘廳西小阿樹山爲大金川南行天全州小金川自東注之爲大渡河沿清谿縣折東爲和川歷峨眉山沫水出蘆山縣東北伏牛山逕縣南合青衣水接雅安縣東南下峨眉縣注之至樂山縣入岷江

厥土青黎



易去聲

音灰

平聲

與音

舍土

先去聲

毳此芮  
切音脆  
屬居例  
切音猗

舍土

舍上俱

上聲

襄音報

平聲

音戒

青生也。黎，小疏也。色青，故生物易質。黎則散而不實也。

厥田惟下上。厥賦下中。三錯。

田第七。賦第八。雜出第七第九也。

厥貢璆鐵銀鏤磬。熊羆狐狸織皮。璆，渠尤切。同球。

鏤音漏。熊音雄。羆音麋。切狸音釐。

璆玉以爲磬也。言鐵而先于銀者，梁之利

在鐵也。鏤，剛鐵。供刻鏤也。磬，同荆。磬，石磬。

皆器用之宜備者。熊羆狐狸四獸之皮，製

禹貢正解 三

之可爲裘。其毳毛織之可爲屬。又服用之

宜有者。梁地多山，故其貢如此。

西傾因桓是來。浮于潛，逾于沔，入于渭，亂于

河。傾音卿。沔美辨切。

西傾，山東南有桓水焉。由桓浮潛，蓋西傾

之戎來貢。舍是無餘道也。自潛而上，阻岡

穴，越以接沔。出漾沂，褒屈于衙嶺，循斜水

入渭。渭正絕河，故曰亂。○西傾山在雍域。

今甘肅洮州廳西。接青海東南界。桓，今白

上聲

水出四川松潘廳北岷山分水嶺東南至昭化縣入潛沔。今玉帶水自陝西沔縣漾水南別西南至甯羗州入龍門大石穴。其逾沔者潛自四川昭化縣東北沂廣元縣陸行龍門岡接陝西甯羗州沂沔沿漾逕褒城縣北上褒水東北至衙嶺下郿縣斜谷入渭。渭見雍州。

黑水西河惟雍州。

雍去聲

雍州之域西南距黑水東至西河謂之西

禹貢正解

三

塞去聲

者主冀都而言也。○黑水見導水西河西岸。自今內蒙古鄂爾多斯左翼後旗南入塞沿陝西府谷縣出韓城縣龍門至華陰縣渭水注之。縣東潼關廳與豫接界。雍州今陝西之同州鳳翔延安榆林四府。乾那鄜綏德四州。西安府之長安咸甯咸陽興平臨潼高陵鄠藍田涇陽三源。盩厔渭南富平醴泉同官十五縣。耀州甘肅之蘭州平涼慶陽甯夏西甯涼州甘州七府。固原

鄠通厔  
音戶盩  
音舟厔  
音質



涇肅安西四州。化平廳鞏昌府之隴。西安定會甯通渭甯遠伏羌六縣。岷州秦州之本州。秦安清水二縣。內蒙古之西二盟五部落十三旗。青海之五部落二十九旗。西藏之前藏黑水東北界。

弱水既西

弱水出窮石山。流溢東侵。散渙無力。故名曰弱。既西者。就地勢逼之使西。以復其故道也。○弱水。今山丹河。自甘肅山丹縣西

禹貢正解

禹

南窮石山。北逕縣西北。東別抵邊牆。其正流。西北遶張掖縣北。祁連山水從西南來會。又出高臺縣鎮夷堡。餘詳導水。

涇屬渭汭

涇音經屬市玉切汭音芮

涇水出笄頭山。渭水出烏鼠山。屬逮也。言治涇以逮于渭也。水北曰汭。渭汭渭水之北也。○涇。自今甘肅平涼縣西笄頭山。亦曰崆峒。東南注涇州。合汭水。接陝西長武縣。至高陵縣入渭。渭。自甘肅渭源縣西北

烏鼠山南谷。東南逕秦州。東至陝西華陰縣入河。詳導水。

漆沮既從。

漆水出大神山。沮水出子午嶺。二水合流爲石川。而順從于渭也。○漆自今陝西宜君縣南大神山西南逕耀州。沮自州西北子午嶺東南流會之。又下富平縣曰石川。南至臨潼縣交口鎮入渭。

澧水攸同。

澧音豐

禹貢正解

三

澧水出終南山。攸同者。所同入于渭也。曰屬曰從曰同。皆以渭爲主也。○澧水自今陝西長安縣南終南山豐谷西北逕鄠縣秦渡鎮。又北逕故靈臺。至長安斗門鎮。由咸陽縣豐橋入渭。

荆岐既旅。終南惇物。至于烏鼠。

惇音敦

荆。北條荆山也。岐。西岐山。遠河近渭。終南。惇物。烏鼠。皆山名。舉三山而不言所治者。蒙上既旅之文也。○荆山在今陝西富平



互居鄧  
切音塹

聲音剌  
塞去聲

幽音邠

拉音臘

聳音疎

縣西南岐山在岐山縣東北終南即太一

山在盩厔縣南東連鄠長安咸甯藍田凡

互五縣惇物今太白山在郿縣西南有衙

嶺烏鼠見導山

原隰底績至于豬野隰音習

廣平曰原下溼曰隰豬野休屠澤也自東

南而極塞北無不致功也○原隰今陝西

三水縣西有古幽城豬野出今甘肅武威

縣西南磨天嶺為谷水東北逕鎮番縣至

### 禹貢正解

美

內蒙古阿拉善額魯特旗西北豬為澤俗

呼魚海子

三危既宅三苗丕敘

三危昇雨山也三峰聳峙故曰三危水治

既可宅居三苗之族竄于此地者亦革頑

從化大有次敘也○三危山在今甘肅燉

煌縣東南三苗三邦詳荊州

厥土惟黃壤

黃者土之正色此州黃壤故其田非他州

所及也。

厥田惟上上。厥賦中下。

田第一。而賦第六者。人工少也。

厥貢惟球琳琅玕。

琅音郎  
玕音干

球琳。美玉。以作圭璋。琅玕。石而似珠。以飾冕佩。凡八州之貢。充雍最寡。揚荆最多。皆服食器用之物。惟正之供也。

浮于積石。至于龍門。西河會于渭汭。

積石。龍門。兩山名。雍之貢道。西北境。浮積

禹貢正解

七

石之河。至于龍門。是爲西河。其東南境。自澧自涇。自漆沮。皆會渭之北。龍門之南。則同之汾水可知也。○積石。今阿水尼瑪勒。占木遜山。在青海土爾扈特南前旗南。距甘肅貴德廳西南。山有三座。東西竝列。龍門山。在今陝西韓城縣東北。跨河東冀城。今山西河津縣西北。禹闢龍門卽此。下接汾口。派故堯都。詳冀州。

臧皮。崑崙析支。渠搜。西戎卽敘。渠求於切  
搜同搜



冠去聲

蕃方煩  
切音翻

耨音樗

蔥同葱

莎音唆

崑崙國附于山者析支渠搜皆國名三國

次第貢毛布故以織皮冠之卽就也雍州

治水既成而西戎就敘也○崑崙蕃語阿

耨達今諾莫渾烏巴什山在西藏拉薩城

北山後有阿布哈池拉薩卽前藏阿布哈

卽阿耨達轉音山脈起新疆蔥嶺迤南徂

東互西藏北接青海界析支卽屈支今新

疆庫車廳渠搜卽渠莎今新疆葉城縣治

葉爾羌並詳導水

### 禹貢正解

三

導岍及岐至于荆山逾于河壺口雷首至于

太岳底柱析城至于王屋太行恆山至于碣

石入于海岍音牽底諸氏切通砥行音梳

此下四節導山也水源出于山水勢因于

山故自雍州導岍及岐而至荆山也越于

河則自雍而之冀矣壺口雷首以至太岳

冀州西河之山也底柱析城以至王屋冀

州南河之山也太行恆山以至碣石冀州

東河之山也入于海者隨山入海也此北

汧音岍

條大河北列之山。導之皆以治河濟也。○

岍。今汧山。在陝西隴州西北。岐荆山。竝見

雍州。壺口。見冀州。雷首。今中條山。在山西

永濟縣東南。太岳。故中岳。在山西霍州東

南。底柱山。在今河南陝州東北。接山西平

陸縣東。禹鑿之三穿。河出其閒。似門狀。中

曰神門。北曰人門。南曰鬼門。三門之險。鬼

門為最。平陸東北。夏縣。有禹安邑故都。析

城山。在山西陽城縣西南。王屋山。在山西

禹貢正解

堯

垣曲縣東北。山頂俗名天壇。上有黑龍洞。

洞前有池。沈水所發。太行山。在河南修武

縣北。亦稱五行之山。以五陁得名。一軹關

陁。在濟源縣。二丹陁。在河內縣。三白陁。在

輝縣。四滏口陁。在武安縣。五井陁。在直隸

井陁縣。山中絕曰陁。恆山。北岳。在山西渾

源州南。碣石。見冀州。

西傾。朱圉。烏鼠。至于太華。熊耳。外方。桐柏。至

于陪尾。圍偶舉切通啟

陁音形  
軹音紙



西傾不言導者。蒙導岍之文也。西傾朱圉鳥鼠太華。雍州山。熊耳外方桐柏。豫州山。陪尾。徐州山。此北條大河南列之山。導之皆以治淮渭洛也。○西傾見梁州。朱圉今石門山。在甘肅洮州廳西卓泥土司。山中裂。左右高。形如伏虎。鳥鼠詳導水。太華西岳。在今陝西華陰縣南。中有五雲峰。眾峰環拱。重疊如蓮萼。熊耳山。在今河南盧氏縣南。西起陝西雒南縣。有冢嶺。外方。今中

禹貢正解

四

嶽嵩山。在河南登封縣北。桐柏。見導水。陪尾山。在今山東泗水縣東。

導嶓冢。至于荆山。內方。至于大別。別皮列切

北條既畢。次導南條。嶓冢。梁州山。荆山。內方。大別。荊州山。此南條大江北列之山。導之皆以治漢也。○嶓冢。見梁州。荆山。見荊州。內方。今章山。在湖北荊門州東南。大別山。在漢陽縣北。

岷山之陽。至于衡山。過九江。至于敷淺原。

响音荷  
樓音樓

岷山不言導者。蒙導蟠冢之文也。岷山。梁州山。江水之源。南出羊膊嶺下。故曰陽。衡山。荊州山。在九江西。敷淺原。揚州山。在九江東北。故過九江也。此南條大江。南列之山。導之皆以治江也。○岷山。見梁州。衡山。南岳。在今湖南衡山縣西北。有响樓碑。九江。見荊州。敷淺原。今傳陽山。在江西德安縣西南。山左故蒲塘場。有敷淺水。

導弱水。至于合黎。餘波入于流沙。

禹貢正解

望

任去聲  
瀚音翰

復去聲

此下九節。導水也。弱水。雍州水。導之至合黎山。餘波任入流沙之內。流沙者。瀚海之沙。隨風流行也。敘山。先岍岐。敘水。先弱水者。山水原委。皆自西北而東南。故史臣復依次志之。○弱水。見雍州。合黎山。在今甘肅高臺縣北。長城外。餘波。卽弱水下流。由鎮夷堡。北注內蒙古額濟納旗。托賴河自西南來會。東北入流沙。爲居延澤。流沙。今瀚海。在內蒙古北。接外蒙古界。東西三千



餘里。南北三五百里。

導黑水。至于三危。入于南海。

黝音幽

菊音菊

射入聲

喀音客

黑水發于雍。逕于梁。亦曰怒江。遠望黝然而黑。菊之實白水也。蓋水之深者。日光不能射其底故耳。三危。卽三崇山。在梁州。言黑水導至三危。得其故道。遂從此以達南海也。○黑水出。今前藏北崑崙。詳雍州。自阿布哈池。右旋如環而東。爲喀拉烏蘇。蕃語喀拉卽黑。烏蘇卽水。左合沙克索克二禹貢正解

望

水。南轉梁域。今怒夷界。爲怒江。東南達雲南。維西廳。又南逕保山縣。由緬甯廳西南。至緬甸。卽昆埠入海。三危。今三崇山。在雲南。雲龍州西。接保山縣北。黑水逕其右。南海。今福建廣東南界。越南東南界。暹羅緬甸。印度南界。

暹音纖

導河積石。至于龍門。南至于華陰。東至于砥柱。又東至于孟津。東過洛汭。至于大伾。北過澤水。至于大陸。又北播爲九河。同爲逆河。入

噶音葛  
坦音灘  
上聲宿  
息救切  
音秀

上聲

音衣  
音衣  
音衣  
音衣  
音衣  
音衣

于海。任貧悲切通呿洑古巷切  
同降播補過切波去聲

河源始蔥嶺。東匯鹽澤。伏流東南千里。至噶達素石之天池。水出獨黃。東下阿勒坦河。穿星宿海。禹就積石山導之。東北入中國。曲折三千里。至龍門。于是自北而南。至華山之陰。所謂雍之東境。即冀之西河也。自南而東。至底柱。又至孟津。過洛水之北。至大伾山。所謂豫之北境。即冀之南河也。自東而北。過洺水。至大陸之澤。又北散作

禹貢正解

望

九河。所謂兗之西境。即冀之東河也。其曰逆河者。九河下流。海水如潮。如有相迎之勢。同之于海也。○河。出今新疆喀什噶爾城西蔥嶺。別名吉布察克山。為初源。水色白。東南注哈拉庫爾泊。東循喀什噶爾河。左合烏什水。右合葉爾羌和闐二水。沿塔里木河。達庫車廳。又左合拜河。開都二水。至羅布村。為鹽澤。一名蒲昌海。又東南潛行。至青海和碩特西左翼後旗。清水出星



宿海。蒙古語鄂敦他拉。黃水出噶達素齊老山。蒙古噶達素譯北極星。齊老譯石。其壁黃金色。壁上天池。爲重源。下阿勒坦河。東與星宿海合。歷查凌鄂凌二海子。東南抵積石山。爲黃河積石。見雍州。又遶山南斜東北。折西注山北。由和碩特南左翼中旗。東北達甘肅貴德廳。東行皋蘭縣。又東北出平羅縣。爲河套。環內蒙古鄂爾多斯左右翼六旗。南入山西陝西交界。龍門。見

禹貢正解

四

雍州。華太華。見導山。華陰。今陝西華陰縣。又東接潼關廳。迄山西河南交界。砥柱。見導山。又行河南界。孟津。今孟津縣。北有陶渚。亦曰富平津。雒。詳導雒。大伾。今黎山。在濬縣東北。又北逕臨漳縣。洹水。上曰衡漳。詳冀州。又直隸界。大陸。見冀州。九河。見兗州。東北至天津縣入海。

嶓冢導漾。東流爲漢。又東爲滄浪之水。過三澨。至于大別。南入于江。東匯澤爲彭蠡。東爲

北江入于海。

豕音腫。漾音恙。浪平聲。瀝音誓。匯戶賄切。回上聲。

防音房

瀝音瀝

禹貢正解

畧

漢出梁之嶓冢山。曰漾。導之東流。方爲漢。及豫爲滄浪。謂之爲者。隨地得名。非他水也。瀝水際三瀝。猶云三防。過此至荆。觸大別山。折南入江。東迴。過爲彭蠡。揚之澤也。自漾以東。源遠而流大。可亞于江。故漢得分江之名。爲北江。記其入海者。著江漢共爲一瀆也。○嶓冢。詳梁州。漾源。今陝西甯羌州北。自嶓冢東接沔縣。瀝水北來注之。

至南鄭縣爲漢。又行石泉縣。屈南而東。沿湖北均州北。水中有滄浪州。爲滄浪水。東南。歷光化縣老河口。迄襄陽縣。三瀝。一卽大堤。一在樊城南。一在三洲口。皆屬縣東。北有白河。出河南南召縣曹峰山。由新野縣。會湍水來南。合唐滾二水注之。又南接宜城縣。下潛江縣。東至漢陽縣。大別。見導山。南入江。明成化初。徙山後。東入江。彭蠡。見揚州。北江。漢屬江北。因江入海。



岷山導江東別爲沱。又東至于澧。過九江。至于東陵。東迤北會于匯。東爲中江。入于海。別列切。澧音禮。迤音以。

江水發岷山。自梁導之別沱。而東至于荆也。澧水名。東陵地名。由澧以下。過九江。至東陵。東邪北與漢會。行于揚之彭蠡。不曰彭蠡。而曰匯者。蒙上節匯澤之文。言其外也。三水相持而東。漢爲北江。則江爲中江。有北有中。南可知。夾中流而入于海也。○

### 禹貢正解

巽

岷山。見梁州。江。岷江。出今四川松潘廳西北。岷山之陽。見導山。由廳東南逕汶川縣。禹生石紐村。在縣西。縣南接灌縣。沱。見梁州。又下樂山縣。合和川。至宜賓縣。金沙江。出青海玉樹土司西南。勒斜爾烏蘭達布遜山。東循木魯烏蘇。會阿克達木水。向北。托克托乃水。西來注之。復折東。那木齊圖水。注之。東南遶星宿海右。爲布壘楚河。沿札武三土司。達四川打箭爐廳。爲金沙江。

峽音洽

湮音煙

南下雲南麗江縣。東屈四川鹽源縣。合鴉龍江。轉東北雷波廳。東流與岷江合爲大江。又東歷合江縣。東北由涪州。合烏江。向萬縣。東抵巫山縣。巫峽。出湖北東湖縣。西陵峽。又東南下石首縣。沱。見荊州。自天心洲南。故江湮微。俗呼後江。至湖南安鄉縣。澧水出龍山縣。東北魚潛洞。東南轉永定縣。東逕石門縣。迄澧州。東南流注之。又沿南州廳洞庭湖。東出巴陵縣。九江。見荊州。

禹貢正解

卷

東陵。今魚陵磯。在臨湘縣城陵司。江流磯下。東北逕湖北沔陽州。接漢陽縣會漢。又遶江夏縣。東南行興國州。東至江西德化縣。匯彭蠡口。中江。左合漢。右合彭蠡之贛水。江居中。東北達安徽懷甯縣。出當塗縣。抵江蘇江都縣。又東南至崇明縣。南寶山縣。北海門廳入海。

導沈水。東流爲濟。入于河。溢爲滎。東出于陶丘北。又東至于荷。又東。北會于汶。又北。東入



于海。沈音克。溢七。質切。通軌。

濟源始于冀。導之王屋山。為沈水。既見而伏。即發于二池。合流而東。為濟。濟自入河。其伏者。絕河至豫。自西而東。一溢為滎澤。再出陶邱之北。與克分水。注荷澤。又東。謂克東介徐。而北與汶會。又北。謂青北介克。而東入于海也。○沈水。出今山西垣曲縣東北。王屋山頂崖下。曰太乙池。東伏接河南濟源縣。又發二池。東南合流為濟。至温

禹貢正解

巽

縣入河。再伏至滎澤縣。滎。見豫州。三伏東出山東荷澤縣東南。陶邱。在定陶縣西南。有陶邱亭。荷。即荷澤。見豫州。下魚臺縣。折西北行嘉祥縣大野。北注汶上縣。會汶。詳青州。又由壽張縣。東轉東阿縣。東北至蒲臺縣。北岸利津縣入海。

導淮自桐柏。東會于泗沂。東入于海。

淮水源于豫。自桐柏山導之。初伏而見。曰淮池。山下涌起三泉。曰淮井。又伏逕六七

汪烏宏  
切同汎

鴝音徒  
鱖音突

里成川。東流至揚。介于徐。則沂入于泗。泗入于淮。此言會泗沂者。二水均敵故也。由是而東。則淮入于海矣。○淮出今河南桐柏縣西。桐柏山中峰。名胎簪。有大石傍凹成潭。東伏流十餘里。見水一汪。俗呼淮池。再伏至山下。見三大井。三伏而南。發爲瀆。遶縣南。東下信陽州。歷固始縣。汝水注之。安徽潁上縣。潁水注之。又東北懷遠縣。渦水注之。由盱眙縣。洪澤湖。出江蘇桃源縣。禹貢正解

兗

汧水注之。接清河縣。會泗。至安東縣南岸。阜甯縣入海。泗沂。竝見徐州。

導渭自烏鼠同穴。東會于澧。又東會于涇。又東過漆沮。入于河。

渭。雍州川也。烏曰鴝。鼠曰鱖。同穴而處。遂名山以烏鼠。是爲渭源。自此導之。東行。澧在南。涇在西北。渭皆會之。其北來者。漆沮合流之水。渭又過之而入河也。○渭水出今甘肅渭源縣西北烏鼠山。東南由甯遠



縣東逕陝西寶雞縣。下咸陽縣會豐。又逕高陵縣會涇。臨潼縣過漆沮。至華陰縣三河口入河。互詳雍州。

導洛自熊耳。東北會于澗灑。又東會于伊。又東北入于河。

洛。豫州川也。自熊耳山導其源。循流而東北。其入洛者。爲澗爲灑。會于洛之北。又東爲伊。會于洛之南。于是洛合三水。又東北而入河也。○雒水。出今陝西雒南縣西熊

### 禹貢正解

辛

耳山冢嶺。東注河南盧氏縣。東北逕雒陽縣會澗會灑。又逕偃師縣會伊。至汜水縣滿家溝入河。互詳豫州。

九州攸同。四隩既宅。九山刊旅。九川滌源。九澤既陂。四海會同。隩乙六切音郁。滌音狄。陂音碑。

此結水土之功。九州所同也。涯內近水爲隩。四方之隩。行潦盡退。已可奠居。土之卑者治矣。九州之山。槎木除道。已可旅祭。土之高者治矣。九州之川。濬滌泉源。而無壅

潦音老

槎仕下切音庠

過水之流者治矣。九州之澤已有陂障。而無決潰。水之止者治矣。于是四海之水莫不會通。如同一軌也。

六府孔修。庶土交正。底慎財賦。咸則三壤。成賦中邦。

任去聲

此任土作貢之事。府官府。水火金木土穀六府。甚修飭也。土者財之自生。眾土有肥瘠高下。任其土宜。以貢法交相參正。而致慎斂財發賦。九州壤田。上中下大較三品。

較音教

禹貢正解

至

皆準其壤作賦入之多寡。一成而不輕變。中邦中國也。土貢或及四夷。田賦則止于中國而已。

錫土姓

此以下弼成五服之事。蓋水土既平。貢賦既定。于是修封建之法。各使守之。錫土者賞其功勞。定其限制也。錫姓者表其勳德。輯其分族也。○錫封禹于夏。今河南禹州。姓姒氏。統領州伯。棄于郃。今陝西武功縣。

輯音集

郃音胎



契私列  
切音薛

嬴音盈

姓姬氏。契于商。今陝西商州。姓子氏。四岳之官于呂。今河南新蔡縣。姓姜氏。又加賜

伯益姓嬴氏。

祗台德先。不距朕行。祗音脂。台音怡。先去聲。朕直稔切。


台我。距違也。禹言敬我德以先之。則天下

不違我所行也。

五百里甸服。百里賦納總。二百里納銍。三百

里納秸。服。四百里粟。五百里米。銍音窒。秸音夏。

帝都之外。四面各五百里。則制為甸服。甸

禹貢正解  五

田。服事也。自百里至五百里。皆田賦輸納

之事。總者。禾之全體。銍。去其本。秸。又去其

穗。粟。穀也。無殼曰米。于二百里言服者。蓋

酌遠近之中。為轉輸粟米之賦。是力役也。

大抵賦法皆什一。但所納有精麤。精者少。

麤者多。遠輕而近重耳。

五百里侯服。百里采。二百里男邦。三百里諸

侯。采去聲。

甸服之外。四面又各五百里。則制為侯服。

穗音遂  
穀音確

建侯樹屏也。采者，卿大夫食邑。男邦，小國。三當作二。諸侯，大國也。此五百里，一爲百里，次二而三次四而五，皆爲百里者。二先小國而後大國者，大可以禦外侮，小得以安內附也。

五百里綏服。三百里揆文教。二百里奮武衛。

綏音雖揆巨癸切奮方問切

侯服之外，四面又各五百里，則制爲綏服。

綏，安也。其事在安邊境也。揆，度。奮，揚也。內

禹貢正解

五

三百里，近于侯甸，度其風氣以教之。外二

百里，接于要荒，揚我威聲而衛之。此揆文

奮武，所以杜猾夏之漸也。

五百里要服。三百里夷。二百里蔡。要於宵切

綏服之外，四面又各五百里，則制爲要服。

取約束之義。夷，易也。謂禮法易略。蔡，作繫

竄也。竄，散罪人于此也。

五百里荒服。三百里蠻。二百里流。

要服之外，四面又各五百里，則制爲荒服。

度入聲

猾音滑

易去聲  
繫桑葛  
切音綏



言其荒野也。蠻，慢也。以文德縻來之而已。蔡與流，皆所以處罪人。而罪有輕重。故地有近遠之別也。

東漸于海。西被于流沙。朔南暨。聲教訖于四海。禹錫玄圭。告厥成功。

漸音尖

此敘禹功告成。以終全篇也。漸，漬也。流沙，戈壁之地。朔，北聲。風聲也。四海，謂東夷、西戎、南蠻、北狄。在九州外者。先言疆理所及。次言風教之遠。蓋法制有限。而教化無窮。禹貢正解

禹

也。帝堯八十載。禹執元圭爲贄。而告成功。此一治也。開萬世之經綸者大矣。○東海，碣夷。詳青州。西流沙，今甘肅燉煌縣西南。接青海西。有大戈壁。朔流沙。詳導水。南海，今廣東澄海縣。是爲九州大界。

漬音恣

